

文淵閣

影印

四庫全書

影印

文淵閣四庫全書

第五八三冊

北京出版集團公司  
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印  
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.  
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

# 本冊目次

## 水道提綱

清 齊召南撰……………一

## 海塘 卷 首錄

清 翟均廉撰……………三二七

欽定四庫全書

史部  
水道提綱卷一至三

詳校官監察御史<sub>臣</sub>王爾烈

刑部郎中<sub>臣</sub>許兆椿覆勘

總校官知縣<sub>臣</sub>楊懋珩

校對官編修<sub>臣</sub>沈清藻

謄錄監生<sub>臣</sub>王露

欽定四庫全書

史部十一

水道提綱

地理類四 河渠之屬

提要

<sub>臣</sub>等謹案水道提綱二十八卷

國朝齊召南撰召南字次風台州人乾隆丙辰召試博學鴻詞授翰林院編修官至禮部侍郎歷

代史書各志地理而水道則自水經以外無

專書郭璞所註久佚不傳酈道元所註詳於

欽定四庫全書

水道提綱  
提要

北而畧於南且距今千載陵谷改移即所述

北方諸水亦多非其舊

國初餘姚黃宗羲作今水經一卷篇幅寥寥羸

具梗概不足以資考證召南官翰林時預修

大清一統志外藩蒙古諸部是所分校故於西

北輿地多能考驗又志館備見天下地圖乃

參以耳目見聞互相鈎校以成是編首以

盛京至京東諸水次為直沽所匯諸水次為北

運河次為河及入河諸水次為淮及入淮諸  
水次為江及入江諸水次為南運河及太湖  
源流次為浙江閩江次兩廣諸水次雲南諸  
水次西藏諸水次西北阿爾泰以南水次黑  
龍江松花諸江次東北海朝鮮諸水次塞北  
漠南諸水而終以西域諸水水之源委往往  
衰延數千里不可限以疆域召南所敘不以  
郡邑為分惟以巨川為綱而所會衆流為之  
目故曰提綱大抵源流分合方隅曲折統以  
今日水道為主不屑屑附會於古義而沿革  
同異亦即互見於其間其自序譏古來記地  
理者志在藝文情侈觀覽或於神怪荒唐遙  
續山海或於洞天梵宇揄揚仙佛或於游踪  
偶及逞異炫奇形容文飾祇以供詞賦之用  
故所敘錄頗為詳核與水經註之模山範水  
其命義固殊矣然非召南生逢

聖代當敷天服屬之時亦不能於數萬里外聞古  
人之所未聞言之如指諸掌也乾隆四十六  
年九月恭校上

總纂官臣紀昀臣陸錫熊臣孫士毅

總校官臣陸費墀

水道提綱原序

大地合水土為體居天正中亦若人身然山其筋骨而水其脈絡也至靜者山靜中有動故為幹為枝以一而萬又以萬區界百川至動者水動中有靜故為源為委以萬而一又以一遍周六合陰陽自相經緯與日月星辰之麗天為經緯者理氣協應此地道承天所以含萬物而化光也志地有書九邱尚矣治水莫神於大禹言地亦莫精於禹貢以治水先委後源則列敘九州疆域中

欽定四庫全書

水道提綱  
原序

高山大川自濱海之冀充青徐揚州西迄梁雍以山自有幹與枝水自有源與委則總敘導山四列導水九川皆起雍梁而東至於海詩言既景乃岡相其陰陽觀其流泉古聖人體國經野以建都邑利農田濟舟楫設津梁轉運阜財襟帶險固孰有不於水深究其本末者乎自漢後地志日多專言水者惟有水經及酈道元注道元於西北諸水鉅細不遺可謂精矣後儒言水或解詩書春秋或釋班志或於寰宇畧撮梗概或於郡邑各記

方隅其志存經濟者於治河防海水利守邊博考古今

暢言得失政理所係援引雖多不厭其繁雜若夫志在

藝文情侈觀覽或於神怪荒唐遙續山海或於洞天梵

宇揄揚仙佛或於遊踪偶及逞異眩奇形容文飾祇足

供詞賦採用以為美談從未有將中國所有巨瀆經流

實在共聞共見可後可舟不枯不涸如孟子所言原泉

混混放乎四海者用水經遺意上法禹貢導川總其大

凡芟除地志繁稱遠引分名別號附會穿鑿之陋務使

欽定四庫全書

水道提綱  
原序

二

源委了然展卷即得此水道提綱所以紀載今日實有之脈絡山川都邑並用今名畧識古蹟取其質不取其文如河經數徙濟惟入河漢有別支江源非一黑水未知誰是積石原在羌中前賢早有辯論無煩復贅取其實不取其虛也蓋自古帝王功德之盛莫如我

朝重熙累洽治致昇平幅員之廣盡天所覆亦莫如我

朝臣召南學識愚淺自乾隆丙辰蒙

恩擢入翰林纂修一統志伏睹

聖祖御製輿圖東西為地經度以占節氣後先南北為地緯度以測辰極高下漠北直過和林抵白哈海西番遙窮拉藏至岡底斯凡金沙瀾滄潞江崑崙青海之近在邊陲黑龍盧朐松花嫩尼按出虎水烏蘇里江之本屬內地者源委秩如已迥非從前史志所能稍及而我皇上聖神文武善繼善述

天威遐震克奏膚功踰流沙而開四鎮蕩平伊犁回部拓地至二萬里西域並入版圖濛汜咸受正朔此豈漢

欽定四庫全書

水道提綱  
原序

三

唐元明盛時賓貢享王所能較量濶狹乎哉即古稱唐虞協和萬邦義和所宅章亥所步伯益夷堅所志方斯蔑矣臣初久在志館考校圖籍於直省外又專輯外藩蒙古屬國諸部道里翔寔是以志成之後亦嘗條其水道惟圖無可據者闕之及蒙

恩告歸台山杜門無事養病餘暇時檢篋中舊稿次第編錄共成二十八卷臣思為萬國朝宗者君為萬川會同者海也以一水論發源為綱其納受支流為目以羣

水論巨瀆為綱餘皆為目如統域中以論則會歸有極惟海實為綱中之綱凡巨瀆能兼支流注海者亦目中有綱綱中有目耳是以詮列次第不依水經冠以海水自北而南并取禹貢首冀次兗之意內自

盛京鴨綠江口以西而南而西南至合浦外自雲南而西而北入自漠北阿爾太山肯威山而東至海又自海而南而西而北包朝鮮至遼陽域中萬川綱目畢列至於慈嶺以西水入西海印度水入南海丁零黠戛斯

欽定四庫全書

水道提綱  
原序

四

以北水入北海前史或畧記其地以我

朝之聲名洋溢凡有血氣莫不尊親則重譯慕思盡為疆索占測經緯合寰瀛以成圖臣固可執筆俟也禹貢曰聲教訖于四海說者謂極言之未可徵實然則自生民以來久道化成一統無外能實有其盛超越前古其惟我

大清也歟

欽定四庫全書

水道提綱卷十

原任禮部侍郎齊召南撰

海

海為百川之匯自鴨綠江口西襟盛京南京師直隸

東南又南襟山東之北而東古所謂渤海也東為大

海經其東南又南襟江南浙江之東又南襟福建東

折而西經其南又西襟廣東之南凡兩京五布政司

欽定四庫全書

水道提綱

地際海禹貢冀兗青徐揚五州漢志遼東遼西漁陽

廣陽渤海平原千乘齊郡北海東萊琅琊東海臨淮

廣陵會稽南海合浦十七郡國也共得巨川口九曰

鴨綠曰大遼曰天津曰大清河曰河淮曰大江曰浙

曰閩江曰粵江

盛京東南之鴨綠江口在九連城南其東為朝鮮國界

海口與山東登州之成山遙相望海自鴨綠口西

經鳳凰城秀巖城南有小水口五又西南經東高麗

城西高麗城南有小水口一又西南過官家山又西

南經古金州城東南有小水口六自東高麗城東南至此海中洲島無

數又西南為寧海縣之旅順城地自古金州城西南至此橫僅數十里東

南西三面懸居海中其山脈東北自長白山來西經

盛京東南之北興京摩天嶺而西南相接千有餘

里至旅順入海海中洲大者曰北黃城曰南黃城曰

小欽大欽二島其東曰鼉磯島又南曰廟島其南曰

長山島洲嶼落落如星羅基布又南即山東登州府

蓬萊縣也古稱渤海本大海之支港說者言禹時青

州踰渤海北兼營州之地其勢固自然也旅順三面懸海南望蓬萊僅二

百五十里南過海至北黃城島僅百餘里西望天津千里海自旅

順城折而北經城西其西為鐵山島又西為雙島又北而

東為寧海縣西又北稍西為復州城有小水口三復

州城西南為長興島島大數十里海中洲之巨者又北而東為永

寧監城李官屯熊岳城蓋平縣之西有小水口三熊岳

海口西有兔兒島蓋平縣西有連雲島皆小洲又北有耀州河口又西北為

海城縣西南之大遼河口自河以左為遼東以右為遼西漕運由此口入海

欽定四庫全書

水道提綱

自遼河口西北經右屯衛南有小水口二至衛南為

大凌河口又西經錦州府南為小凌河口又西稍南

經松山杏山東南塔山村東東有小筆架大筆架二島又西南經

連山雙橋二城寧遠州東南水口口東南有桃花菊花二島菊花即明

所稱覺華島也又西南經沙河所中後所高兒河前衛中前

所五城南有小水口五又西為山海關南其西入直隸界海自

山海關之南東北至大遼河口六百里大遼河口南至旅順城六百餘里自旅順東北至鴨綠口八百餘里

直隸東北自山海關之南經山海衛南又西南經撫寧

縣東南有小水口四又西南經昌黎縣東南有小水

欽定四庫全書

水道提綱

三

口二又西南經樂亭縣南之齊家庄為永平府之灤

河口又西有小水口又西經灤州南又西經順天豐

潤縣南之澗河庄南有小水口三又西經神堂韓沽

南寶坻縣東南境為薊運河口海折而南經武清

縣東南境為新河鎮東即天津直沽口也口曰大沽

有海神廟當天津府之東南東北至山海關六百里南至山東界二百五十

里東南至山東之登州府八百餘里古黃河入海之口也海自直沽南經靜海

縣東又南稍西為青縣東之濟溝小口又東南經鹽

山縣東北其東南入山東海豐縣界

山東地東北正東東南三面濱海海自武定府之海

豐縣東北有大沽口又東南經霑化縣濱州東北又

東南為利津縣東北之大清河口俗曰牡蠣口東省巨川惟大清河

又東南經蒲臺縣東北又東為青州府之博興縣樂

安縣東北即小清河口也又東南經壽光縣北萊州

府之濰縣東北昌邑縣北有小水口五濰水口其大

者自小清河河口而東為濰河口為黑洋口為于河口為白狼河口又東為濰口俗曰淮河又東

欽定四庫全書

水道提綱

四

為北膠河口又東為海倉口又東北經萊州府治掖縣

北北有海廟口其西曰芙蓉島又北為三山口又東北經登州府

之招遠縣西北有界河口又東北有地懸入海中曰

岬嶼島又東北經黃縣北有小水口西又東北經登

州府治蓬萊縣城之西北而東蓬萊閣在府西北北有廟島西北曰大小

黑山二島東曰長山島又北曰侯雞島高山島又北曰龍磯島稍細又東北曰碗磯島稍大曰大欽小欽

南黃城北黃城四島北與旅順口隔海相望長山島之東曰沙門島小竹大竹二島皆在府東北灣子口

北又東南經福山縣北有小水口又東北地懸入海中曰

之界島又東南經奇山所東北又東南經寧海州城

北有小水口外島嶼無數可名者曰拷栳島曰大小崆峒養馬及莒四島曰櫛子島皆在之界島東正

對州北之龍門又東經文登縣北之威海衛西

北東三面西有戲山金山寨郝慶三港口衛東島嶼無數可名者曰雙島曰劉公島

曰衣島其南又東南經夏崖所東曰朝陽口又

東經榮城縣城北榮城即成山衛西北有鷄鳴島東北海驢島成山地一

線縱二十里北東南三面懸居海中東六度八分極橫八十里北東南三面懸居海中三十七度五分

海自成山之東折而西南經山麓西至縣城南之

欽定四庫全書

水道提綱

五

裡島口始折而南經龍池崖尋山所崖頭集東有港

口四曰養魚池曰青魚灘曰倭島曰佳雞旺又南為寧津所東北之桑

溝口又東北而南而西南經赤山寨東南有鑛鉚島石島南有

王家又西南經靖海衛南東南有馬家嘴朱家園二口南為蘇門島又西

折而北為文登縣南之望海口長會口又西為五里

島口長會之西有姑嫂島五里島耳島琵琶島又西經海陽縣之南即海

有小水口六東曰窪頭口浪煖口南曰南泓口西泓口西曰琵琶口乳山口即大河口也海

洋三面懸海東有黃島腰島又西南經大嵩衛南有

港口二東南草島背南徐家口又西經萊陽縣南之大山所南

海渚曲入經行村寨南中有香島馬公島其口曰魯家口何家口其東有古蘆土埠千里三島

又西海渚曲入北為五龍河口又西經雄崖所東北

西三面有李家口金家口齊其東曰迷家口又西南經即墨縣東之

坡子口東東有蘆島水島青島田橫島長牙島牛島馬龍島石島西南有女島又西有

渚曲入曰嶼村口又西南經鰲山衛東南嶼山三面懸海

鰲山衛亦然南有嶼島及大管獅子小管小女四島

自雄崖所黃龍庄坡子口及鰲山衛地實三面居海

欽定四庫全書

水道提綱

六

折而北至縣西南之女姑口勞山地東西南三面懸海南北八十里東西五

十里其東南有石門島車公島勞公島南有自女姑

福島石島梅島浮山所西與靈山衛相對

口西北經膠州東南之會海口麻灣口即南膠河口

也北膠河北至昌邑東北之海倉口入北海而南膠河至此入海二河之源出州西北分水嶺以山陰

相阻故運又西北經州城東南又南經靈山衛東有

小口曰小河曰大河曰頭營子曰洋河曰淮子其東南曰薛家劉家顧家三島唐島又南為古鎮口夏

河所龍旺口東又南為諸城縣東南境夏河所之琅

瑯臺三面懸海又西為奎頭董家安家三港口又西

南經日照縣東南石臼所南之夾倉口又南為濤維

張維嵐山三口又西南經安東衛西南之款水口其

南入江南界海西自海豐東至成山一千五百里東自成山西南至安東衛九百里

江南自款水口西南經贛榆縣東有小水口四曰柘柱曰潮河

曰興庄曰背口背口又南經海州城東有小水口五

臨洪在州東南曰恬風口州東隔海巨崑即古鬱

洲也懸居海中洲東有雲臺山有二水入海口西北有虛溝城西南有鳳凰城其北隔海

欽定四庫全書

水道提綱

有鶯海又南稍東經新壩板浦白河港三口又南

為鹽河入海俗稱曰淮河口又南稍東經安東縣東

北之雲梯關是為大河淮瀆入海口也自款水口至此二百八十里

東經阜寧縣東有射陽出海三口北曰雙洋港中曰當尖港南曰射陽

又南稍東經鹽城縣如皋縣東有六水口皆串場

鹽河洩水之港曰野潮洋曰新洋港曰大閘港曰

南稍東經通州東境之蓼角背南與崇明之北舊城

西南與太倉州北境相望是為大江入海口也蓼角背在

通州狼山之東百二十里自此南至吳淞口二百

二十里又二百餘里西南至金山城口東四度八分

極三十江口之南經太倉州鎮洋縣東北有七鴉楊

林新巖劉家四浦口隔海與崇明縣相望 崇明即

東沙懸居海中縣城西與太倉南與吳淞江口相望

地南北六七十里東西百二十餘里今城近南有舊

城在西北又隔海相連北有東三沙東北有永豐沙

欽定四庫全書

水道提綱

沙實大江水口沙也 又南稍東經嘉定縣東羅

店鎮水口又東南為吳淞江口又南經寶山縣城東

北又南經上海縣東又南折而西經南匯縣南又西

南經松江府華亭縣東南奉賢縣南又西南經金山

縣城南金山縣東南海中島嶼有勝山金山龜山盤山驛絡相連

又西南經海鹽縣東南稍西為澈浦口東南與曹娥江

山在又西經海寧縣東南稍西為赭山與南岸之龕

山相對曰海門即浙江口也浙江口東北至吳淞口三百里東南至舟山四百

里東四度極南自蕭山縣東北之龕山龕山北

三十度四分傍有小山懸居又東稍南經紹興府治山陰縣北境

俗曰鼉子門

三江閘口又東南經上虞縣北瀝海所西北之曹娥

江口又東北經餘姚縣北境臨山衛許山所北又東

北經慈谿縣北境觀海衛盛山之北始折而南稍東

經奄浦古窑崧浦三口海中崧嶼曰許山其南曰泥

東鶴山又東曰又南經鎮海縣東招寶山麓外即七

五齊山烈表山

又南曰蛟門即甬江口寧波府治鄞縣之水口也前

即三山大洋當口東北崑嶼甚多最大者曰金塘山又

東南為舟山定海縣蛟門東北隔海大洲南北長廣數

近北曰金塘山與烈表五齊十里近南曰虎蹲山曰大謝山

兩山相接其東南即舟山也

舟山定海縣懸居海

中正西與蛟門西南與象山相望地形如舟首向西

近西南大燒門港與穿山郭衢二所相對其西北過

螺頭門即大謝山其前導小船也正北曰大沙口相

近有長白山又北曰秀山又北曰岱山稍鉅又北曰

大衢山其東南尾曰船寨洞壘隔海東北曰普陀山

曰竹嶼門又東曰大落伽山南曰小落伽山普陀之

南曰順母塗曰朱家尖曰盧家山曰桃花山皆能與

衆相近者由東而南曰鳥沙門曰沈家門曰田畝山

地稍寬廣東南曰亂礁洋正南曰東畧門西畧門又

西隔海即象山北之錢倉所也舟海自鄞江南口

山為甬江外屏其外即大洋海

又東南有小口二一對黃茅山一對又東南經穿山

所北折而南而西經郭衢所東南海渚曲入經所南

而西經慈谿吉琦司大嵩所松畧之南又西北經河

泊所東南折而西南經奉化縣東南又西南為浮門

折而東屈曲經象山縣城西北又北至錢倉所西北

折而東錢倉所北與郭衢所相對海渚廣六七十

又折而南經爵溪所東又南經東溪村東又東南經

欽定四庫全書

昌國衛石浦所之東南爵溪海中有青門山又東曰牛

象山縣地西北東三面皆海昌國地北東南又西

西四面皆海惟西北一線與象山東溪村接

經衛之西南海渚曲而西北經東溪村西南昌國北

鎮門東有牛欄門小港南有銅下門有担門

下灣門皆小島也西南正與林門對又西北至寧海

縣東胡陳南又西北至杏浦南又西北經縣東渚中

曰南田山曰石

佛青珠蛇盤山又東南至慢畧東畧海渚所南折而東經

甯畧北渚中有

門嶺西林門北自寧海白溪入海曰大湖汎縱橫

百餘里浮門嶺地東西皆海林門與

昌國其渚口也亦浦地南北自浮門嶺而南經赤嶼

皆海一線地東至象山昌國曰牛頭門有牛頭山白代山相望海渚西北曲入長

都寨梅嶼之北其海口又南有小口無數經桃渚所

牛頭白代青唐三門東又西南經懸埠杜下橋東南又西南至前所與海

門衛山相望即台州府治臨海縣靈江口也海自海

門衛南經黃巖縣東海門外島嶼甚多可名者曰穿

几青又南稍東經太平縣新河所東又東南至松門

衛海中有松門山始折而西經隘頑所東又西南經東嶼南海

欽定四庫全書

水道提綱

十一

有楚始折而西北至江下汎西千嶺寨南又折而西

南至大荆營南芙蓉村東有數小口又西南經樂清

縣東北之蒲圻所又南為樂清水口東與海中玉環

相對玉環山懸居海中東北與太平之楚門西與

樂清西南與甌江口相望自楚門而西北有數島嶼

玉環也自江下汎而南海中有太平山有水漲嶼

有茅衍山與玉環接地南北百餘里東西七十里

多山谷有一水港其東南隔海曰黃大嶼曰三盤山

南曰寬畧山又南曰鳳凰山即甌江外大口西有

自樂清而南經盤石衛東南又

西有小口二又西為温州府治永嘉縣東南之甌江

口東有大門山東北有小門甌江口南經寧村所

山其中曰黃花關對黃大嶼梅頭寨東海安所東南又西為瑞安縣東之江岸寨

曰飛雲渡口正東對鳳凰山又南為南岸宋埠東又南為

平陽縣東南之橫陽江口口外島嶼甚多可名者曰

小嶼曰大琵琶山小琵琶山曰長腰山又南經金鄉衛東南有小口三

曰大漁口曰石塘口曰赤溪口又西南經蒲門所東

嶼曰雞山曰七星山曰屏風山又西南經蒲門所東

欽定四庫全書

水道提綱

十二

界自舟山至松門三百六十

十里松門至蒲門三百餘里福建地東南二面濱海臺灣則懸居大海中自南關

嶼而西海西南經沙埕南為南鎮澳口又西南經斂

城崇嶼東南海中有屏風山東為臺山東又西南經

北洋硤門牙城東南有水口三海中曰烏樹山曰俞

又西南經福寧府治棲霞縣東南海渚曲入當港口

有大小門二山北有小島筋山其東即烽火門也門

有北桑山南海又南屈曲而西南而西北海渚經下

許堡折而東北又西北至棲霞南之鹽田自棲霞南沙糖汎而

東為魚灣武成二堡又南為程路長村二堡又南為大金所又西南為長溪延亭拓洋三堡至下許為內

港口地有百餘里又折而北經竹江關門八寶城龍灣村南皆外濱大洋內濱海渚一線屈曲相接地形

如象海渚又西北經福安縣東南梅嶺浦白石司南

曰白馬門又西為金垂寨南曰雲溪門折而東經寧

德縣北曰斗門又東南經上下三都為飛鸞渡口出

口為大洋當港海中有東樹山又東有王安山又東為馬嶺山與胡纓山相近其南曰西洋山曰

東引山頗大海又南而西北曲入為羅源縣東之浦

欽定四庫全書

水道提綱

三

口又東南經西澳北而南而西經馬鼻澳東南又東

南經連江縣東北之白鶴澳奇達堡北又東經北茭

司東而南當西灣港中有前嶼東北有鶴嶼外為大洋東南有西落東落二山又東南有下目

山與北海又折而西經縣東之黃崎堡定海所南為

連江口南為東岱浦又西南經福州府治閩縣東南

之閩安鎮南曰急水門與東南岸長樂縣相望是為

閩江內口也又東至五虎門為大口外即大洋自急水門

而東海港始濶東北有琅崎山東南有小蘆巴豆大蘆三嶼中曰福斗山頗大又東曰梅花山又東為五

虎山北與定海所北茭司相望西與梅花所相望為大海門又東為白大洋稍南為東沙 南岸

自長樂縣東稍北之梅花所折而西南經仙岐渡橋

二寨東有小渚港二海中有又東而南經松下寨北

東南三面又海渚西屈經福清縣東之鎮東海口二

寨南又折而東經牛田前薛寨三山白鶴寨北與北

岸糖嶼相望為松下門石門以東之古嶼港口其外

即海壇鎮也糖嶼東有大練山小練山海壇地形

狹而長自西而東而南而西北如玉玦內向懸居海

欽定四庫全書

水道提綱

古

中鎮居中西北與福清港相對鎮北曰蘇澳中曰興嶼南曰觀音嶼雖正

當福清港口實與化府江口之外屏也福清港自

糖嶼南之古嶼其東曰爛泥嶼曰石牌嶼曰大扁山

其東即海壇東北洋中有小序嶼東岸嶼南有草

嶼又南有長嶼鷺鷥嶼可門嶼小曰嶼南日嶼與興

化府東南之海自白鶴山南經萬安寨北而南而

平海衛相望西寨三面懸海東北與海壇之

觀音灣東南與草嶼俱相望又西北曲入牛田漁

溪寨水口南自牛田而東南曰前薛寨曰牛牙寨曰

潮村曰萬安寨地皆兩面濱海當青嶼南港中有狹

長沙洲曰壁頭寨其地尾北尖而首南稍廣如鯉魚

北與萬安寨南與平又西南經興化府治莆田縣東

海衛相望為大口

峰頭江口二寨南又西南至涵江鎮南與南岸黃石

寨相望為三江口自口東南經數曲折而西南經平

海衛東南折而西南至吉了寨南

平海衛西為莆田所又西為塔村其

北為嶺頭寨魏澳地形兩面濱海自黃石寨天馬寨

而東而南而西為內外洋屏蔽莆田所南海中有眉

洲嶼南曰大定山西曰鷺尾山曰後山灣自吉了寨南海渚西北曲入為

大港經仙遊縣東南又折而東南經惠安縣東北至

黃崎澳北而東而南

黃崎北與吉了寨相對為內港口港中有水口二有小嶼澳

欽定四庫全書

水道提綱

海渚西曲入泉州府治晉江縣東之洛陽口又南為

晉江口南自水頭寨東至日湖寨北折而南

日湖寨與北岸

下安澳港中大墜小墜二島為內港之口外為大海南經永寧澳東又西

南至圍頭寨澳折而西海渚曲入西北經後湖寨水

口又西南經同安縣東南石井澳南隔海為金門鎮

海渚北當水口曰東獅寨西有洲曰大登嶼東曰小登嶼又南為金門所其東有北定嶼金門

地懸居海中北尖南廣形如三角東南有小港所在

正南鎮在西南負重山東北與圍頭寨西北與灣頭

澳相望實西為廈門之外屏也海自石井澳西南

至灣頭澳又西北至同安縣南內洲之南又西南有

水口三經長泰縣東海澄縣北為漳州府治龍溪縣

江水口其北岸曰海門山東口曰圭嶼稍東北曰厦

門厦門懸居海港中西北曰高灣寨東曰五山渡

東南正對大海之澎湖臺灣而相近島嶼東北自金

門灣頭隔港為列嶼諸島西南與大武山鎮海城相

拱護

列嶼最大其相連曰星嶼大担嶼小担嶼曰浪嶼

漳府海口南岸自

欽定四庫全書

水道提綱

鎮海城東而南折而西經崎沙汎南臺灣懸居海

中東為大山生番界濱海地北自雞籠城沿海而西

至淡水城有水口五又西南經南嵌竹塹中港後龍

吞韶五社有水口十四又南經猫孟房裡大甲等社

至諸羅縣西有水口十六又南經府治西有水口八

自府治而南稍東經鳳山縣西有水口二又東南經

鳳山下淡水社有水口五南至沙馬磯地形如初生

月狹長南北千餘里臺灣城西濱海西北為鹿耳門

西為安平鎮大港口西北隔海為澎湖自鳳山南望

小琉球島澎湖懸居海中地廣僅數十里島嶼四面

環之無數稍大者曰西嶼曰吉貝嶼曰白沙嶼曰船

蓬嶼曰八罩嶼臺灣西北至澎湖二百里澎湖西北至廈門三百餘里臺地東三度五分

至東五度四分極南自二十二度北至二十五度四分

大武山又南經鎮海城東東南海中有南定嶼與北定嶼對折而西

經崎沙鎮南又西至漳浦縣東之赤湖城東南有小

口三近海島嶼可名者曰連晉嶼曰南風灣曰松嵩嶼曰燈火灣曰門扇後嶼曰將軍澳北即浮頭

欽定四庫全書

水道提綱

七

又西南至大澳海渚北曲經縣城東南為南溪口

大澳地三面懸海前有紫菜嶼沙洲當港面懸海中又前為橫嶼海渚西岸自洋

山東曲屈經而南為大海經古雷寨之東南西三面

古雷地自洋山一線八十里隔內外洋古雷西海渚又曲入西北為雲

霄城水口又東南經八天門林豆村南隔港即銅山

城大嶼也古雷之西北有小松大松佳松三小島銅山城懸居海港

中地形圓曲而西北向城在東其北曰塔嶼其南曰

青營山又西曰北山汎塔嶼之西曰古港又西曰大

帽嶼城隔海南曰蘇火山曰虎仔嶼青營山西與懸鐘山口相對曰松柏門自虎仔嶼外為東南大

海有大柑小柑二山自林豆村西有水口又西經詔安縣東

懸鐘山之東而南至懸鐘寨西洋林寨東為水口

南隔海曰南灣自獵嶼而南東曰獅頭南曰青灣隔

海有中澎北澎皆屬福建一嶼為兩省交界地也又

南為南澎入廣東界自浙界南關嶼西南至五虎門三百里五虎門東南至海壇鎮百餘里海壇西南

至泉江口二百八十里泉江口西南至金門百餘里金門西至廈門百里廈門西南至南灣四百餘里閩地東南海共一千二百餘里

欽定四庫全書

水道提綱

六

廣東地皆南濱海雷州則東西南繞之瓊則懸居大海

中海自福建分水關南海中南灣海南島嶼有南灣北島嶼無數可名者曰青嶼曰白沙其北即饒平

西有赤黑白三小嶼又西有平嶼赤石嶼外即大洋東南之

經饒平縣東南之大成所南又西北經黃

岡鎮南為縣水口海港中島嶼甚多曰井洲曰草灣曰招洲曰信州嶼曰大金門皆東

與白沙南灣相近曰鴻門曰牛心石曰侍郎洲又西

南經澄海縣東北樟林鎮南海渚曲入為潮州府韓

江口港汊無數樟林鎮南曰來龍港又西曰北港又西南為澄海縣城南港又有新港共